


D. JOANNIS  
DE  
CASTILLO  
SOTOMAYOR  
T. C. NOBILISSIMI OLM COMPUTENSIS  
QUOTIDIANARUM  
CONTRORVERSARUM JURIS

DE USUFRUCTU  
MAGISTRUM DOCTOREM  
OPUS REPERTORIUM  
MATERIAE



M. D. C. C. C. I. I. I.



## BIBLIOPOLÆ ADMONITIO AD LECTOREM *Super hanc Novam Editionem.*



IC habes, CANDIDE LECTOR, Novam Editionem Operum Celeberrimi DEL CASTILLO SOTOMAYOR, quæ multis ab hinc annis adeo rara evaserant, ut in paucis duntaxat Bibliothecis reperirentur.

Hinc & indè tamen desiderabantur: nec immeritò: siue enim materiarum delectum quarum indicem exhibet pagina mox sequens, consideres, siue altam intuearis Authoris eruditionem, felicem sagacitatem, ac perspicuam methodum, hic occurrit quicquid opus Juridicum immortalitati commendare posse videtur.

Laicus es, an Clericus? hic adest quod tuâ interfit scire: *De Usufructu, de Representatione in fideicommissis, de Substitutionibus, de jure Primogenitorum, de Conjecturis & Interpretationibus ultimarum voluntatum, de Tertius Catholicis Hispania Regibus ex fructibus & rebus omnibus qua decimantur debitis, de Alimentis, & aliis quamplurimis Juris siue CIVILIS, siue CANONICI, nobilissimis Argumentis solidissimè & acutissimè agit Author noster, ac velut decebat virum praxeos & legum peritissimum.*

Et hæc fuit ratio quæ nos impulit ad istud opus de novo prælo subjiciendum: Quod consilium ubi cepimus, simul & correctius reddere, atque Additionibus illustrare meditati sumus, quò tibi prodiret & utilius & acceptius.

In eo consistit quòd totum opus quamplurimis mendis purgatum fuerit, quibus anteriores scatebant editiones, præsertim verò Titulos fronti paginarum inscriptos longè accuratiores reddiderimus, permulta quæ in eos irrepserant errata corrigentes; Præponuntur quoque Tituli deficientes fronti Capitum quod Lectori utile simul ac necessarium nobis visum est.

Constant ADDITIONES quibus auctior prodit hæc nova editio, Recentissimis S. Rotæ Romanæ Decisionibus, hætenus ineditis, quas ad calcem Additionum & Observationum Clarissimi MELII reposuimus.

Cæterùm Celeberrimi DEL CASTILLO SOTOMAYOR Vitæ summam, unà cum Catalogo ipsius operum, qualem dicat Illustris NICOLAUS ANTONIUS in suâ Bibliothecâ Authorum Hispanorum, ipsiusque ELOGIUM à Clarissimo D. Fernando de HOJEDA conscriptum huic editioni præmissimus, rati haud tibi displicerent quicquid Authorem nostrum concernit: Circa cujus vitam optavissimus ampliora tibi proferre, sed curis nostris quanquam non levibus hætenus eventus non respondit: Hortamur Litteratos omnes & Litterarum fautores, ut si quid habeant quo magis exornari possit opus istud Viri de Republicâ Litterariâ bene meriti, nos ejus faciant participes, qui tradita prælo subjicere & iis qui reliquum opus sibi paraverint, suppeditare non morabimur. †

Ornatur denique istud opus *Repertorio Generali*, in quo reperuntur Materiarum omnes Civiles & Ecclesiasticæ de quibus agitur in toto opere. Vale, Benigne Lector, & operi tibi pernecessario fave.

Jo. del Castillo Quotid. Contr. Jur. Tom. I. [ : ] 3 VITA

† Post hanc admonitionem a. 1727. accepimus vitam Celeb. Authoris à Clar. b. m. NASSARE & FERRIZ quam denovo hic adjecimus.





V I T A  
D. JOANNIS DEL CASTILLO  
SOTOMAYOR,  
EX BIBLIOTHECA AUTHORUM HISPANORUM  
NICOLAI ANTONII *excerpta.*



JOANNES DEL CASTILLO SOTOMAYOR, Matritensis, oriundus ipse è montanis Burgensibus, patrem habuit Iosephum Guillen DEL CASTILLO in Conventu Juridico Hispalensi criminalium causarum IIII. virum, eà memoriæ excellentiâ, ut fama est, vigentem, ut Bibliorum Sacrorum Codicem atque omnes Senecæ Epistolas recitare possit: Patrum verò Gomefium à Leone Pincianæ Curia Senatorem, cujus alicubi nepos meminit. Qui quidem operâ juris studio Salmantica navatâ, post litterarium, Solemneque in quâdam Cisterciensium Sodalium domo annorum aliquot secessum, ad Complutensem Academiam se conferens, Pontificios ibi Canones prius pomeridianis horis, post antemeridianis, primarius scilicet antecessor de superiore loco interpretatus est.

In hoc militiæ ordine is merebat, cum de *Usufructu*, hoc est, primum suarum *Juris Lucubrationum*, volumen typis edidit.

Porro ab Academicis velitationibus Curia traditus, seu magis negotiorum æstuanti caveâ immisus, cum apud Gallæcos, tum in Hispalensi Prætorio, deindeque & in Curia Urbis Granatensis locum ac dignitatem Senatoris graviter sustinuit, eò magis laude dignus, quòd in actuosissimâ hujus vitæ exercitatione perpetuâ & curis publicæ rei plenâ nil remiserit à commentandi, publicandique *Controversiarum Juris* libros antiquâ operâ & industriâ.

Demum in Senatu Matritensi regiarum rationum administrandarum jus inter Patres dixit.

Controversiarum laudatum opus multâ lectione virum, atque indefesso studio in publicum proficendi, valdèque contritum exercitatumque in litteris & negotiis legalibus, Authorem suum ambigere non sinit.

Quod quidem tale est.

Quotidianarum Controversiarum Juris Libri V. sive Volumina octo, hoc ordine: *Primum de Usufructu*, ad D. Joannem de Acuña Supremi Regii Senatus Præsidentem: Compluti apud Joan. Gratianum anno 1603. in folio. Accesserunt CCLX. *Juris Assertiones ab Authore olim publicè propostæ ac propugnatae.* Tomum hunc Francofurtenses in Germania ediderunt anno 1619. in 4. & Venetiis apud Turrinum an. 1645. fol.

*Secundum, Variarum in Jure Questionum.* Compluti 1605. in folio.

*Tertium, Diverfarum etiam Questionum, præsertim circa Representationem in Fideicommissis, primogeniorum successione.* Matriti 1611. in folio.

*Quartum, de Conjecturis atque Interpretationibus ultimarum voluntatum.* Prima hæc pars Granatæ an. 1619. folio. Deinde,

*Quintum, de iisdem Conjecturis & Interpretationibus,* pars secunda, Gaspari Guzmano Excellentissimo Comiti Olivarum nuncupata. Granatæ, an. 1627. fol.

*Sextum, sive de iisdem Conjecturis &c.* pars III. ibid. eod. anno.

*De Tertius Catholicis Hispania Regibus ex fructibus & rebus omnibus, qua decimantur, debitis,* Philippo IV. Hispaniarum Regi oblatum, septimus atque ultimus Tomus, vivo Authore, prodiit Matriti anno 1634. folio.

*Octavus de Alimentis,* posthumus lucem vidit, cum aliis septem, Lugduni apud Laurentium de Anisson, & Joannem Baptistam Devenet, anno 1658. fol.

Huic de *Alimentis Operi Joannes Paulus Melius* Consiliarius Status Ducis Mantuæ Additiones & Observationes fecit, unâque Decisionibus S. Rotæ Romanæ ad rem pertinentibus locupletavit, quæ Lugduni prodierunt sumptibus Laurentii Anisson, 1667. fol.

Deinde anno 1727. & tandem hoc anno 1753. magno omnium desiderio totum prodiit OPUS cum Decisionibus S. R. Rom. & Repertorio, f. 11. Tomi; elegantiori dispositum ordine, & præcedentibus correctius, sicut exhibet prolucius superior admonitio ad Lectorem.

D. DON



D. DON JOANNI  
DEL CASTILLO ET SOTOMAYOR,

In Amplissimo PHILIPPI IV. Hispaniarum Regis Patrimonii  
Senatu Consiliario,

D. DON FERDINANDUS DE HOJEDA  
In eodem Regio Consilio Collega.

ELOGIUM.



MMERITO nonnulli, qui Naturâ virès rimantur, eam illis penè desitutam, quasi in senium vergentem, & effectam accusant; Vident namque antiquam illam humanorum corporum habitudinem, è robusta proceritate ad exiles has angustias redactam, ut jam incurva sive contracta præ senectute videatur. Vident etiam uberem agrorum feracitatem ita quotidie in pejus degenerasse, ut vix justæ seminum mensuræ, fructus, seram agricolatum spem fallentes, correspondeant. Verum deberent animadvertere, non hoc Naturæ, quæ benignissima rerum omnium mater est, teste Cicerone; sed hominum vitio plerumque contingere. Nam ut ait Scriptor antiquus,

*Ipse suas consumit opes, homo nescius aequi,  
Enevatque datas vires, malè semper agendo;  
Et ruit in pejus vita extenuatus iniqua.*

Præsertim cum, authore Boethio, *Tanta sit Naturâ diligentia, ut cuncta semine multiplicato propagentur: quæ omnia non modo ad tempus manendi, verum generatim quoque quasi in perpetuum permanendi veluti quasdam machinas esse quis nesciat?* Verum cum ingenii monumenta, veluti animus, ut ait Sallustius, *immortalia sint;* Deus Naturæ melioris author, ita illius vires, quæ fessæ hominibus putabantur, reparat, ut quotidie Viri eruditione clarissimi nascantur, quorum scripta, cum sint omnibus admirationi, testimonio etiam sunt Divinæ Providentiæ: nec quia inter multos sparsa, ideo minorâ; quoniam teste Petro Blesensi, *Scientiarum generosa possessio in plures dispersa non perditur, & distributa per partes, minorationis detrimenta non sentit: sed ideo diuturnius perpetuata senescit, quòd publicata secundius se effudit.* Quid plurimos in Hispania nostra commemorem, quorum doctrinam universus Orbis & miratur, & reveretur? Te unum, VIR CLARISSIME, AC DOCTISSIME, ante omnes poponam in exemplum: nam

*Quæ sparsa per omnes  
Tu collecta tenes.*

Magna doctissimorum hominum admiratione, incredibili studiosorum utilitate, rara non Hispanorum solum, sed & exterorum approbatione. Nam si tuorum scriptorum multitudinem spectemus, nullum Tibi comparandum, non apud nos tantum, sed apud alias Nationes etiam, nemo non videt; si utilitatem consideremus, meritò ambigere poterimus, an plures, an utiliores libros hæctenus doctrinæ tuæ Orbis habuerit. Et cum legendò, scribendoque, exemplo Augustini, vitam utiliter producas; dubitandum est, an vita hominis sufficiat ad legendum quæ tu scripsisti, aut alius possit scribere utiliora ad vitam. In tam proficuis ac multiplicibus tuis in Rêpublicâ conatibus, vovere licet ex animo cû Poëta,

*Dii Tibi dent animos, continuentque tuos.*

Et certè, ut singula disquiramus, quis unquam ante Te, *Usufructus materiam*, nostris Jurisconsultis tam necessariam, æquè ac difficilem, in methodum redegit, & ea subtilitate disposuit, ubertate, & aptitudine concinnavit, ut documento pariter sit, & admirationi? Quis *Quotidianas* variorum jurium *Controversias* expeditius, doctius, accuratiusque, quàm Tu, unquam explicuit, aut illustravit? Quas cum Primariam Complutensis Academiæ Cathedram gubernares, olim edidisti; vel quas cum in Gallæciano, & Hispaletano Senatu Regis Maximi Consiliarius, tanto omnium cum plausu iterum publicasti.

[:] 4

blicasti.

1. Parit.

Petrus de Riga in Aurora.

Lib. 3. de consol. Philos. prof. 11.

In Trign.

In Epist.

Ofvald. multis in locis, Doctissimum Hispanorum vocat.